

**DÈCRET 098/2012**

Carlos Barrera Sánchez, sindic deth Conselh Generau d'Aran, en tot hèr usatge des facultats que me conferís er article 9 dera Lei 16/1990, de 13 de junhsèga, sus eth Regim Especial dera Val d'Aran, vist er expedient de licitacion dera *Gestion deth Parc de Visualizacion de Fauna d'Aran*, e cossent damb er article 150 deth Reiau Decret Legislatiu 3/2011, de 14 de noveme, peth quau s'apròve eth Tèxte Rehonut dera Lei de Contractes deth Sector Public sus es critèris d'avaloracion des aufèrtes e damb eth capítol IV deth Reiau Decrèt 817/2009, de 8 de mai, peth quau se desvolope parciaument era Lei 30/2007, de 30 d'octobre, de Contractes deth Sector Public,

**È RESOLVUT:**

PRUMÈR.- Constituïr eth Comitè d'Experts dera licitacion dera *Gestion deth Parc de Visualizacion de Fauna d'Aran* [num. d'expedient CGA 2011/007/GSP-PD (MMN)], qu'a d'avalorar es aufèrtes techniques presentades pes licitadors cossent damb es critèris era quantificacion des quaus depèn d'un judici de valor, damb era composicion que seguís:

- Sr. Ivan Afonso Jordana, responsable de Miei Naturau deth Conselh Generau d'Aran,
- Sra. Marisol Ariño Collo, tecnica de Torisme der Organisme autònom Torisme Val d'Aran,
- Sr. Jordi Mestre González, arquitecte tecnic deth Conselh Generau d'Aran,
- Sr. Eduardo García Nieto, tecnic veterinari deth Conselh Generau d'Aran, e
- Sr. Xavier Fontalva Lapuente, tecnic de Miei Ambient dera Diputació de Lleida.


DUSAU.- Ordenar era publicacion d'aguesta resolucion en Perfil deth Contractant deth Conselh Generau d'Aran.

TRESAU.- Encargar ath Comitè d'Experts era elaboracion der informe corresponent as critèris era quantificacion des quaus depèn d'un judici de valor dera UNICA aufèrta presentada ara licitacion nomentada en tèrme d'un (1) mes, ar efècte de convocar era Mesa de Contractacion e procedir ara avaloracion des critèris avaluables de forma automatica e elevar prepausa d'adjudicacion ar organ de contractacion.

QUATAU.- Avertir as interessadi qu'aguesta Resolucion agòte era via administrativa. Contra aquesta se poderà interpausar, alternativament, recors de

reposicion potestatiu, en tèrme d'un mes a comptar de l'endemà de la recepcion d'aquesta notificacion, davant deth sindic d'Aran, conforme es art. 116 e 117 dera Lei 30/92, de 26 de noveme, de Regim Juridic des Administracions Publiques e deth Procediment Administratiu Comun, o ben recors contenciós administratiu, davant deth Jutjat Contenciós Administratiu de Lleida, en tèrme de dus mesis a comptar de l'endemà de la notificacion, cossent damb er art. 46 dera Lei 29/98, de 13 de junhsèga, dera Jurisdiccio Contenciosa Administrativa. Se s'òpte per interpausar eth recors de reposicion potestatiu, non se poderà interpausar recors contenciós administratiu en qu'èth primèr sigue resolut exprèssament o s'age podusit era sua desestimacion per silenci. Tot açò, sense perjudici que se pogue interpausar quinsvolh d'aute recors que consideren mès convenient ath sòn dret.

Vielha, 29 de març de 2012



Carlos Barrera Sánchez  
SINDIC D'ARAN

Davant mèn

David Montalà Palau  
SECRETARI